

Naqqiut

Siunnersuut 12. agusti 2020-meersoq taarserpaa

(*Inatsisilioriaatsimut tunngasunik aaqqissuussinikkut naqqiisoqarpoq. Siunnersuummi § 1, nr. 2-imi naqqiissutit ipput*)

Uunga siunnersuut: Unammilleqatigiinneq pillugu inatsisartut inatsisaata allangortinneqarnera pillugu Inatsisartut Inatsisaat nr. xx ulloq xx. xxx 2020-meersoq
(Allanguutit kattunnerni ikaarsaariarnermi naliusut aamma kinaassutsimik isertuussilluni saaffiginnissuteqartarnerit, kiisalu allaffissornikkut akiliisitsissutissanik nalunaaruteqartarneq)

§ 1

Unammilleqatigiinneq pillugu Inatsisartut Inatsisaanni nr. 1, 15. maj 2014-imeersumi (unammilleqatigiinnermut inatsit) allangortinneqartumi Unammilleqatigiinneq pillugu Inatsisartut Inatsisaata allangortinneqarneranik Inatsisartut Inatsisaanni nr. 24, ulloq 17. november 2017-imeersumi aamma Inatsisartut inatsisaanni nr. 8. ulloq 12. juni 2019-imeersumi imaattunik allanguuteqartitsisoqassaaq:

1. § 15, *imm. 1*, imatut oqaasertalerneqassaaq:

” § 15. Kapitalimi uani aalajangersakkat atortinneqassapput kattunnerni, imaattuni:

- 1) suliffeqarfiit peqataasut ataatsimut ukiumut nunat tamalaat akornanni minnerpaamik 100 mio. kr.-inik kaaviiartaqarsimappata,
- 2) suliffeqarfiit peqataasut minnerpaamik 2-it tamarmik immikkut nunat tamalaat akornanni ukiumut 50 mio. kr.-inik kaaviiartaqarsimappata, aamma
- 3) suliffeqarfiit Kalaallit Nunaanni peqataasut ilaat 1 Kalaallit Nunaanni inissisimappat.”

2. § 32-p kingorna kapitali 7-imi ikkunneqassaaq:

” § 32 a. Atuisartoqarnermut Unammilleqatigiinnermullu Aqutsisoqarfik quppersakkamik pilersitsisinnaavoq, kinaassutsiminnik isertuussillutik Inatsisartut inatsisaanni unioqqutitsinerit pillugit saaffiginniffiusartussamik.

Imm. 2. Atuisartoqarnermut Unammilleqatigiinnermullu Aqutsisoqarfik suliffeqarfimmut naammagittaalliutigineqartumut allamulluunniit ilisimatitsisinnaangilaq *imm. 1* naapertorlugu saaffiginnissummik tigusaqarsimanini pillugu.

Imm. 3. Kinaassutsiminik isertuussilluni Atuisartoqarnermut Unammilleqatigiinnermullu Aqutsisoqarfimmut saaffiginnissimasoq aqutsisoqarfimmut akuersissuteqarsinnaavoq aqutsisoqarfiup suliffeqarfik naammagittaalliutigineqartumut imaluunniit allanut ilisimatitsissutigisinnaagaa, aqutsisoqarfik saaffiginnissummik tigusaqarsimasoq. Pineqartoq akuersisinnaavoq Aqutsisoqarfik suliffeqarfimmut naammagittaalliutigineqartumut imaluunniit

allanut saaffiginnissuteqarsimasup atianik ilisimatitsissutigineqarsinnaalluni. Pineqartoq tamakkiisumik imaluunniit ilaannakuusumik akuersisinnaavoq aqutisoqarfik suliffeqarfimmut imaluunniit allanut saaffiginnissutaasup imaa pillugu ingerlatitseqqissinnaasoq.”

3. § 38 -ip kingorna ikkunneqassaaq:

” § 38 a. Unammilleqatigiinnermut ataatsimiititaliaq Inatsisartut Inatsisaannik matuminnga unioqqutitsinnermut imaluunniit malittarisassanik inatsimmik matuminnga tunngavilinnik unioqqutitsinnermut nalilerneqartunut akiliisitsinnermit annertunerusumik pineqaatsissiissutaasussaangitsutut atatillugu nalunaarutigisinnaavaa suliaq eqqartuussissusilersuussinertaqanngitsumik aalajangiiffigineqarsinnaasoq, unioqqutitsisimasoq unioqqutitsisimanermut pisuulluni nassuerpat, nalunaarlunilu piffissap nalunaarneqartup iluani akiliisitsissutissatut nalunaarutigineqartoq naapertorlugu akiliisinnaalluni.

Imm. 2. Kalaallit Nunaanni eqqartuussisarnermi inatsimmi malittarisassat unnerluussissuteqarnermi allakkiap qanoq imaqarnissaa pillugu piumasaqaataasut, aamma unnerluutigineqartoq oqaaseqarnissamut pisussaaffeqanngitsoq pillugu aamma assigisaanik atortinneqassapput akiliisussanngortitsinnermi.

Imm. 3. Akiliisitsissutissaq akuersissutigineqarpat, ingerlaqqittumik malersueqqinnissaq atorunnaassaaq.”

§ 2

Inatsisartut inatsisaat atuutilerpoq ulloq 1. januar 2021.

Namminersorlutik Oqartussat, ulloq xx. xxx 2020

Kim Kielsen